

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

**Naalakkersuisunut apeqquut:**

- 1. Nunasiaateqarnerup nalaani piniartut allakkisarlutik (paartut) ajunaarsimasut nalunaarsorneqarsimappat?**
- 2. Naalakkersuisut apeqquut siullermi (1) pineqartut pillugit qanoq iliuseqarsinnaappat?**
- 3. Paarlutik ajunaarsimasut qitornaat sulii amiakkoqarmata, taakku taarsiivigineqarsinnaanermut qinnuteqarsinnaanerat pillugu Naalakkersuisut sulissuteqarsinnaanersut?**

(Inatsisartuni ilaasortaq Anthon Frederiksen, Partii Naleraq)

**Tunngavilersuut:**

2017 naalersoq Isumakkeerfigineqarnissamut Isumalioqatigiisit isumaliutissiisutini Naalakkersuisunut tunniuppara. Isumaliutissiisummi ilaatigut nunasiaasimanerup nalaani pissutsit assigiinngitsut eqqartorneqarput.

Tamakkununga atatillugu paaserusuppakka apeqquutit qulaani taaneqartut akissuteqarfigineqarnissaat, tassa nalunngisannik sulii maannamut inoqarmat meeraalutik iliarsunngorsimasunik, ataataasup qaannamik naalagarsuarnik kiffartuussilluni (paarluni allakkisarnermini) ajunaarsimanerata kinguneranik.

Ilisimatinneqarneralu naapertorlugu anaanaasoq iliarsunngortulluunniit taarsivigineqarsimangillat.

Apeqquutit ullut suliffiit qulit (10) qaangiutsinnagit akineqarnissaat kissaatigaara.